

الأنبياء الصغار

سفر ميخا

من هو مثلك أيها الراعي الصالح!

ربنا كراعي صالح، هايجمع شعبه و يرعاهم في أرض جيدة و يملك عليهم ... لكن عشان ده يحصل، لازم ربنا ينزع الشر من شعبه ... بتأديب هدفه التوبة و ليس الرفض ... و بعد التوبة يعود فيرحم و يخلص شعبه

طبعاً الملخص ده لا يغني أبدأ عن الوعظات و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

ليه ندرس عهد قديم؟



"فتشوا الكتب لأنكم تظنون أن لكم فيها حياة أبدية. وهي التي تشهد لي"

وصية واضحة من ربنا لدراسة العهد القديم (تلتين الكتاب المقدس) ...

1. مانقدرش نستوعب العهد الجديد صح غير من خلال نبوات و أحداث العهد القديم
2. ربنا هو هو أمس و اليوم ... و كذلك الإنسان ... العهد القديم غني جداً في شرح معاملات ربنا مع الإنسان بطريقة تخلينا نفهم ربنا
3. الكلام ده اتكتب عشاننا (الوعود و الوصايا لا تتغير) ... ربنا كمل لنا (لم آت لأنقض بل لأكمل)

عن الكاتب



معنى الاسم: **من مثل؟ (ميخائيل = من مثل الله؟)** ... ميخا كان عايش في مدينة صغيرة اسمها (مورشث) في مملكة يهوذا

فترة النبوة: **عاصر إشعيا النبي و هوشع النبي (من أنبياء ما قبل السبي)** ... استمرت نبوته 50 سنة تقريبا



عن السفر




? **ظروف الكتابة:** في الوقت ده كانت مملكة إسرائيل و يهوذا ال 2 وحشين و بعدوا عن ربنا

👉 **السفر موجّه لمين؟** لمملكتي إسرائيل (و عاصمتها السامرة) و يهوذا (و عاصمتها أورشليم)

✅ **هدف السفر:**

- ميخا حدّر إن مملكة أشور هاتسبي مملكة إسرائيل و بعد كده تحاول تدقّر أورشليم ... بعد كده هاتيحي مملكة بابل و تسبّب تدمير أكبر
- كات هدف نبوّته إنه ينبّه الشعب لخطاياهم و يدعوهم للتوبة قبل أن يأتي عقاب ربنا, لأن ربنا يكره الخطية جداً
- لكن كالعادة مع التحذيرات, يبجي الوعد بالرجاء و الخلاص ... ربنا يعاقب لكي يؤدّب فيخلص
- فيه رجاء عظيم بتجسّد ربنا يسوع ... و قبوله للتائبين ... و إنه الراعي الصالح اللي هابيرعى شعبه
- يوصف لنا عظمة رحمة ربنا (غافر الإثم و صافح عن الشر)
- يعلمنا ننتظر الرب في الضيقات
- بيعلمنا العدالة الاجتماعية ... ماينفعش الغني يظلم الفقير (زي برضه ما قال عاموس النبي)



ملخص السفر



السفر بيروح من التحذير للرجاء و هكذا ... عشان شعب ربنا يكون بركة للعالم كله, لازم يكون شعب نقى ... و ده يعطينا الرجاء لأن وعد ربنا و أمانته أقوى من خطايانا ... و بالتالي هدفه من العقاب هو التأديب و ليس الرفض ... المهم إننا نفهم و نتوب



تحذير و توبيخ لإسرائيل

✚ إصحاح # 1 و 2

تحذير و توبيخ للشعب ... ينتهي برجاء

[تفاصيل أكثر](#)



تحذير و توبيخ لقادة إسرائيل

✚ إصحاح # 3 و 4 لحد آية 7

تحذير و توبيخ لقادة للشعب مع إنذار بالسبي ... ينتهي برجاء

[تفاصيل أكثر](#)



السبي ... و الرجوع ... و مجيء المسيح

✚ إصحاح # 4 آية 8 + إصحاح 5

السبي ... و من بعد العودة منه مجيء السيد المسيح و مجد العهد الجديد

[تفاصيل أكثر](#)



تحذيرات أخيرة تنتهي بصلاة رائعة

إصحاح # 6 و 7


يرجع ربنا ينذر الشعب ثاني ... لكن ميخا يصلي صلاة شفاعية رائعة و مليئة بالرجاء

[تفاصيل أكثر](#)

صور السفر



1: تحذير و توبيخ لإسرائيل



- (إصحاح 1): بتبدأ النبوة إن ربنا يترأى لإسرائيل بمجد عظيم و سحب و دخان و زلزلة (زي ما كان بيظهر في سيناء أيام موسى النبي) ... لكن المرة دي ربنا يأتي كقاضي عادل يعاقب شعب إسرائيل على أكثر من 500 سنة من العصيان

- (إصحاح 2): ميخا بيشرح أمثلة للخطايا دي ... بيركّز على قادة الشعب، و إنهم أصبحوا أغنياء بالسرقة و الطمع (زي ما آخاب الملك قتل نابوت اليزرعيلي عشان ياخذ الحقل بتاعه في ملوك الأول 21)

- مش بس الملوك، ده الأنبياء الكذبة كمان ... قصاص الفلوس مستعدين يكذبوا و يقولوا إن الدنيا سلام و مافيش أي مشكلة

- بالتالي ربنا هايوقّف حمايته لإسرائيل

﴿إصحاح 2 : آية 12 و 13﴾ نحن حانعه، ارجاء موجود نحن من يصبر الرب ... ربنا بيعون إيه حراعي صاح هابيرعى سعبه مي اراضي جيده و يعتني بيهم و يملك عليهم (شبه جداً إنجيل الراعي الصالح - يوحنا 10)

نتعلم إيه؟

الرب صالح ... مافيش أي قبول من ربنا لأي خطية ... و مافيش فرصة للتلاقي معاه غير للتائب اللي بيتعلق في دم السيد المسيح ... أما المتكبر اللي بيعمل الخطية و مش فارق معاه، ربنا لازم يبعث له إنذارات و بعدين تأديب ... حتى لا يهلك

— 🙏 يا رب إديني حياة يقظة ... و توبة مستمرة و فورية ... و لو أدبني أقبل التأديب و أتوب ... حتى أخلص

2: تحذير و توبيخ لقادة إسرائيل




- في الجزء الثاني، ميخا بيكمل أمثلة لخطايا قادة و أنبياء إسرائيل و إزاي كلهم اجتمعوا ليصنعوا ظلم كبير جداً
- ﴿إصحاح 3﴾: الرشوة – تعويج القضاء لصالح الأغنياء ... بينما الفقراء يُسلب منهم أرضهم و أمنهم ... طبعاً ده عكس تماماً وصايا ربنا في الشريعة اليهودية، إن الأرض ماينفعش تتباع حتى لو صاحبها افتقر (لاويين 25 : 23)
- ﴿إصحاح 3 آية 12﴾: بالتالي عقاب ربنا هيأتي ... في صورة أمة قوية و عنيفة ... تسبي مملكة إسرائيل و تهدم هيكل أورشليم
- ﴿إصحاح 4 : آية 1 ل 7﴾ برضه بعد التحذير و العقاب يأتي الرجاء ... ميخا بيقول إن ربنا هابيني بيته ثاني في أورشليم الجديدة (كنيسة العهد الجديد) و يسكن فيه بمجده وسط شعبه الذي يتقيه ... و تأتي كل الشعوب لأورشليم الجديدة، فيملك ربنا على الأرض كلها و تعرف الأرض كلها ربنا، و يملأ السلام الأرض كلها

نتعلم إيه؟

دائماً فيه رجاء في ربنا ... ربنا بيؤدّي حتى ينقّي (تأديباً أدّبنّي الرب و إلى الموت لم يسلمني) ... و بعد التأديب لو فيه توبة يبقى أكيد فيه خلاص و راحة

— 🙏 يا رب ما أعظم محبّتك و رحمتك ... تؤدّب كالأب و تشفي كالطبيب ... حتى لا يضلّ الخروف أو يهلك الابن

3: السبي ... و الرجوع ... و مجيء المسيح




- (إصحاح 4) بعد كده بيتكلم ميخا النبي عن السبي ... سبي إسرائيل على يد آشور و سبي يهوذا على يد بابل
- بعد السبي، ربنا هايجمع شعبه و يرجّعهم تاني
- (إصحاح 5: آية 1 ل 6) و ييجي في أورشليم الجديدة السيد المسيح (ابن داود) كملك ... يولد في بيت لحم و يملك على أورشليم
- (إصحاح 5: من آية 7) و البقية اللي فضلت محتفظة بإيمانها بربنا هاتكون هي مصدر البركة لكل الأمم و تبشّرهم بربنا ... و ربنا هايقضي على الشر و يحكم عليه

نتعلّم إيه؟

قمة الرجاء! الله نفسه ينزل و يتجسّد في أرضنا و يكون إنسان مثلنا حتى يحمل خطايانا ... و نعيش في مجد العهد الجديد: كنيسة واحدة جامعة من كل الأمم و الشعوب ... شعب واحد لربنا

— يا رب مهما عملت ماقدرش أشكرك على هذه النعمة العظيمة ... بعد ما كُنّا كأمم بعيدين جداً عن الخلاص، أرسلت ابنك الوحيد ليفدي العالم كلّهُ ... وبقى كل المؤمنين واحد في المسيح

4: تحذيرات أخيرة تنتهي بصلاة رائعة



- (إصحاح 6) ميخا بيوتخ تاني إسرائيل على خطاياهم، و بيفكرهم إن ربنا وصيته واضحة و إنه عايز شعبه يسلك بالرحمة و الحق و التواضع ... لو فضلوا بعيدين عن الكلام ده، هياتي العقاب
- (إصحاح 7 : آية 8 لآخر) بينتهي السفر برجاء جميل جداً ... بيشبه إسرائيل بإنسان خاطي و ضعيف و مهزوم (زي إسرائيل المسبية) ... لكن الإنسان ده عنده رجاء و بيطلب رحمة و مغفرة ربنا
- طب ليه ربنا يغفر لشعب خاطي و بعيد زي كده؟ لسببين:
1. دي طبيعة ربنا ... إله غافر الإثم و صافح عن الشر (آية 18)
2. وعود ربنا ... ربنا وعد إبراهيم و إسحق و يعقوب ... و الله أمين في وعوده (آية 20)

طبعاً ربنا وعد أبونا إبراهيم إن فيه (في نسله) تتبارك كل أمة الأرض ... طبعاً عشان شعب يكون بركة للعالم كله، لازم يكون أمين مع ربنا

نتعلم إيه؟

صلاة ميخا النبي اللي بينتهي بيها السفر واحدة من أعظم الصلوات اللي تعطينا رجاء ... مهما كُنّا وحشين، ببساطة لأن ربنا إله غافر للإثم و حافظ للعهد ... كل اللي علينا إننا نتوب

— يا رب خلّيني لا أنظر لنفسي فأيأس ... بل لرحمتك و صليبك ... فأمتلئ بالرجاء و بالحزن المقدس الذي ينشئ توبة لخلاص بلا ندامة

أهم الآيات

آيات تلخّص السفر

فإنه هوذا الرب يخرج من مكانه وينزل ويمشي على شوامخ الأرض، فتذوب الجبال تحته، وتنشق الوديان كالشمع قدام النار. كالماء المنصب في منحدر

— ميخا 1 : 3 و 4

- إشارة واضحة لتجسد السيد المسيح و بعد كده مجيئه الثاني
- الجبال: إشارة للإنسان المتكبر ... اللي في يوم مجيء الرب كديان عادل مش هايكون مصيره كويس
- النار: إشارة لعمل الروح القدس اللي بيفتح سكة في القلب القاسي
- الماء: إشارة للامتلاء من الروح القدس

و الذين يأكلون لحم شعبي، و يكشطون جلدهم عنهم، و يهشّمون عظامهم، و يشقّقون كما في القدر، و كاللحم في وسط القلّى. حينئذ يصرتون إلى الرب فلا يجيبهم، بل يستر وجهه عنهم في ذلك الوقت كما أساءوا أعمالهم

— ميخا 3 : 3 و 4

أي حد بيصلي و يقول ربنا مش بيسمع لي لازم يراجع نفسه: هل هو ماشي زي ما ربنا عايز ولا لأ؟ لو لا يبقى فيه تأديب هدفه تقديم توبة حقيقية و قوية

و يكون في آخر الأيام أن جبل بيت الرب يكون ثابتاً في رأس الجبال، و يرتفع فوق التلال، و تجري إليه شعوب. و تسير أمم كثيرة و يقولون: 'هلمّ نصعد إلى جبل الرب، و إلى بيت إله يعقوب، فيعلّمنا من طرقه، و نسلك في سبله'. لأنه من صهيون تخرج الشريعة، و من أورشليم كلمة الرب. فيقضي بين شعوب كثيرين. ينصف لأمم قوية بعيدة، فيطبعون سيوفهم سكاكاً، و رماحهم مناجل. لا ترفع أمة على أمة سيفاً، و لا يتعلمون الحرب في ما بعد

— ميخا 4 : 1 ل 3

- آخر الأيام = يوم الرب = الصليب أو المجيء الثاني
- جبل بيت الرب = السيد المسيح نفسه (أساس الكنيسة) ... لأن أورشليم كانت مبنية على جبل
- ثابتاً في رأس الجبال: يعني الإيمان الحقيقي يغلب باقي الفلسفات و العبادات الخاطئة
- رجوع الأمم طبعاً إشارة لكنيسة العهد الجديد اللي بتقبل كل المؤمنين من كل الشعوب
- هلمّ نصعد: ربنا عايزنا نصعد بفكرنا عن الدنيا (زي موسى و إيليا، و زي ما ربنا يسوع كان بيعمل)
- فيعلّمنا من طرقه: إشارة واضحة للتجسد
- من أورشليم كلمة الرب: كلمة ربنا موجودة في الكنيسة
- لا ترفع أمة على أمة سيفاً: ده فكر ربنا .. إن العالم يكون فيه سلام كامل ... و دي نعمة العهد الجديد و هاتحصل تماماً في الأبدية السعيدة

لأن جميع الشعوب يسلكون كل واحد باسم إلهه، و نحن نسلك باسم الرب إلّهنّا إلى الدهر و الأبد

— ميخا 4 : 5

شعار جميل جداً عن قوة اسم ربنا يسوع اللي بترنّم بيه الكنيسة في كل صلواتها و خصوصاً الإبصاليات

الآن تتجيشين يا بنت الجيوش. قد أقام علينا مترسة. يضربون قاضي إسرائيل بقضيب على خده. أمّا أنتِ يا بيت لحم أفراتة، و أنت صغيرة أن تكوني بين ألوف يهوذا، فمناك يخرج لي الذي يكون متسلطاً على إسرائيل، و مخارجه منذ القديم، منذ أيام الأزل

— ميخا 5 : 1 و 2

- تتجيشين يا بنت الجيوش: يعني الكنيسة هايكون فيها جيش عظيم من الملايكة و القديسين
- يضرِبون قاضي إسرائيل بقضيب على خده: نبوة واضحة عن اللي حصل مع السيد المسيح
- بيت لحم أفراثة: بيت لحم قرية صغيرة و مجهولة جنب أورشليم ... لكن خرج منها داود النبي
- فمنكٍ يخرج لي الذي يكون متسلّطاً على إسرائيل: إشارة واضحة للسيد المسيح ... و رؤساء الكهنة كانوا فاهمين كده, ساعة ميلاد السيد المسيح لَمَّا سألهم هيرودس: المسيح هايتولد فين؟ قالوا: في بيت لحم (بناءً على النبوة دي)
- ومخارجه منذ القديم, منذ أيام الأزل: أزية السيد المسيح ... مش مجرد شخص اتولد عادي .. مولود من الآب قبل كل الدهور

يا شعبي, ماذا صنعت بك وبماذا أضجرتك؟ اشهد علي! إني أصدعتك من أرض مصر, و فَكَكْتُكَ من بيت العبودية, و أرسلت أمامك موسى و هارون و مريم. يا شعبي اذكر بماذا تأمر بالاق ملك موآب, و بماذا أجابه بلعام بن بعور, من شطيم إلى الجلجال, لكي تعرف إجابة الرب' بِمَ أَتَقَدَّمُ إلى الرب وأنحني للإله العلي؟ هل أَتَقَدَّمُ بمحرقات, بعجول أبناء سنة؟ هل يُسَرُّ الرب بألوف الكباش, بربوات أنهار زيت؟ هل أعطي بكري عن معصيتي, ثمرة جسدي عن خطية نفسي؟ قد أخبرك أيها الإنسان ما هو صالح, و ماذا يطلبه منك الرب, إلا أن تصنع الحق وتحب الرحمة, وتسلك متواضعاً مع إلهك

— ميخا 6 : 3 ل 8

- ربنا بيتكلّم و بيلوم شعبه و صعبان عليه! أنا عملت لكم إيه عشان تسيبونني و تروحوا تعبدوا آلهة ثانية؟
- بِمَ أَتَقَدَّمُ إلى الرب وأنحني للإله العلي؟: طيب يا رب نقدّم لك إيه قصاص أعمالك دي؟ هل تكفي المحرقات؟
- هل يُسَرُّ الرب بألوف الكباش؟: هل ده اللي يرضي ربنا؟!
- هل أعطي بكري عن معصيتي؟: يا رب ده حتى ابني نفسه لا يكفي و لا يقدر أن يكفّر عن خطيّي فما بالك العجول؟! طب إيه الحل؟
- تصنع الحق وتحب الرحمة, وتسلك متواضعاً مع إلهك: دي الإجابة. ده اللي عايزه ربنا. لا كباش و لا ابني ... هو هايفديني و يغفر لي ... المطلوب مني: أصنع الحق و أسلك فيه (ربنا يسوع) و الرحمة و أكون متواضع مع ربنا

لأن الابن مستهين بالأب, و البنت قائمة على أمها, و الكنة على حماتها, و أعداء الإنسان أهل بيته. و لكنني أراقب الرب, أصبر لإله خلاصي. يسمعني إلهي

— ميخا 7 : 6 و 7

- من كُتِر ما فيه شر و فساد, لم يَغْد هناك أصدقاء جيّدين ولا أخلاق كويسة
- ربنا نفسه استخدم الآية دي
- من كُتِر الشر اللي قي الدنيا, ممكن لو الإنسان عايز يمشي مع ربنا يلاقى العداء حتى من أهل بيته
- أراقب الرب: آه الدنيا فيها شر, لكن ربنا هاينقذ أولاده ... احنا المفروض نصبر لحد ما ربنا يتدخّل (بصبركم تقتنون أنفسكم)

إِرْع بعصاك شعبك غنم ميراثك, ساكنة وحدها في وعر في وسط الكرمل. لترّع في باشان و جلعاد كأيام القِدَم. كأيام خروجك من أرض مصر أريه عجائب

— ميخا 7 : 14 و 15

- إِرْع بعصاك شعبك: فكرة الراعي الصالح ثاني ... بيطلبها ميخا من ربنا ... يا رب مش نافع ملوكنا, لازم انت اللي بنفسك تكون مسئول عنا
- العصا = الصليب
- ساكنة وحدها في وعر: تايهة و غلبانة
- لترّع في باشان و جلعاد كأيام القِدَم: كل حتة فيها لخبطة صلّحها يا رب
- كأيام خروجك من أرض مصر أريه عجائب: زي ما خرّجت بشعبك من أرض مصر يا رب, وزيه العجائب دي ثاني

تفسير بعض الآيات

إني أجمع جميعك يا يعقوب. أضم بقية إسرائيل. أضعهم معا كغنم الحظيرة, كقطيع في وسط مرعاه يضح من الناس. قد صعد الفاتك أمامهم. يقتحمون و يعبرون من الباب, و يخرجون منه, و يجتاز ملكهم أمامهم, و الرب في رأسهم

— ميخا 2 : 12 و 13

- الجزء ده بيفكّرنا جداً بإنجيل الراعي الصالح (يوحنا 10) ... ربنا بيجمع شعبه زي الغنم في حظيرته و يرعاه في مراعي جيّدة ... فندخل و نخرج و نخلص و نجد مرعى
- الفاتك = ربنا يسوع اللي بيزيل العقبات اللي في طريقنا و يفتح لنا أبواب الملكوت

لكنني أنا ملآن قوة روح الرب وحقاً و بأساً، لأخبر يعقوب بذنبه و إسرائيل بخطيته

— ميخا 3 : 8

- نعمة عظيمة لأي شعب و أي كنيسة يكون فيها خادم مليان و حار بالروح زي ميخا كده ... يواجه الشعب بخطيته و يدعوه للتوبة
- القوة في الخدمة بتيجي من روح ربنا، مش من مواهب أو مظاهر
- كمان مهم جداً إن الخادم يعرف إن رسالته الأساسية هي إنه يوصل المخدمين لربنا ... يعني لو شاف حاجة غلط ماينفعش يسكت عنها

لا تشمتي بي يا عدوتي، إذا سقطت أقوم. إذا جلست في الظلمة فالرب نور لي. أحتمل غضب الرب لأنني أخطأت إليه، حتى يقيم دعواي و يجري حقي. سيخرجني إلى النور، سأنظر برّه. و ترى عدوتي فيغطيها الخزي، القائلة لي: 'أين هو الرب إلهك؟' عيناّي ستنظران إليها. الآن تصير للدوس كطين الأزقة

— ميخا 7 : 8 ل 10

- آية جميلة كلنا حافظينها ... لما نُهزم من خطية، بيعلى صوت اليأس جوّانا ... لكن صوت الرجاء بيقول لإن فيه نجاة برحمة ربنا
- أحتمل غضب الرب لأنني أخطأت إليه: لو أدّيني هاصبر و أحتمل عشان أتتقى
- حتى يقيم دعواي و يجري حقي: عشان في يوم الدينونة أطلع براءة بدمه الغالي
- سيخرجني إلى النور، سأنظر برّه: في الحياة الأبدية ... الرجاء
- و ترى عدوتي فيغطيها الخزي: خزي الشيطان اللي كان عمّال يقول لي: فين ربنا؟

قَن هو إله مثلك غافر الإثم و صافح عن الذنب لبقية ميراثه! لا يحفظ إلى الأبد غضبه، فإنه يُسرّ بالرفقة. يعود يرحمنا، يدوس آثامنا، و تُطرح في أعماق البحر جميع خطاياهم. تصنع الأمانة ليعقوب و الرفقة لإبراهيم، اللتين حلفت لأبائنا منذ أيام القدم

— ميخا 7 : 18 ل 20

- يُختم سفر ميخا بصلاة رائعة
- قَن هو إله مثلك: ده معنى اسم ميخا ... مفيش حد زيّك يا رب
- غافر الإثم و صافح عن الذنب: تشيل الخطية خالص لكل التائبين ... كأنها لم تَكُن
- يُسرّ بالرفقة: دي إرادته
- يعود يرحمنا: بالتوبة، حتى لو مشينا غلط، ربنا يعود و يرحمنا إذا ثَبنا (الآية دي تعطينا رجاء و ليس استهتار)
- تُطرح في أعماق البحر جميع خطاياهم: في رحمة ربنا خطايانا بتختفي تماماً
- تصنع الأمانة ليعقوب والرفقة لإبراهيم: الأمانة في العهد من ربنا ... و إحنا بقى عندنا كمان العدرا و مارجرجس و كل شهداء و قديسين العهد الجديد

المراجع الرئيسية



- موقع [The Bible Project](#)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلهيمانوت](#)